




NA VEIQARAVI NEI PAULA MAI KORONICA


"Ena dua na bogi a
vosa kina na
Turaga vei Paula
ena raivotu, "Mo
kakua ni rere, ia
mo vosa tikoga, me
kua ni dua na
gauna mo cegu
kina, Ni'u sa tiko
vata kei iko, ena
sega ni rawa ni dua
me via vala vata
kei iko me
vakacacani iko, ni
lewe levu vei ira
ena koro levu oqo
sa Noqu tu."
(Caka 18:9, 10)



Ni oti na ivola vei ira na kai Roma, na ivola vei ira mai Koronica edua toka na ivola balavu e vola o Paula.

Na iVola e rua eya volai ga ena loma ni vica na macawa. Eda na raica kina na vei vakasala momona ni kena wali na vei dredre eso edau tubu cake mai ena keda maliwa na leweni lotu.

Ke vaka eda gadreva meda kila vinaka na tukutuku e tiko kina, edodonu meda kila na ka dina e yaco tiko ena gauna eya volai kina.



Na kacivi nei Paula.

Na ilakolako ki Koronica

Na korolevu o Koronica

O ira na kai Koronica

Na ivola vei ira mai Koronica



NA KACIVI NEI PAULA

“Oi au o Paula, nai apositolo (e sega ni mai vei ira na tamata, se ena i lesilesi vakatamata, ia ena i lesilesi ga i Jisu Karisito kei na Kalou na Tamana, o Koya ka vakaturi Jisu cake tale mai na mate),—” (Kalatia 1:1)

E vakaraitaka na iVola Tabu eso tale na apositolo me ikuri ni lewe tinikarua a digitaki me vaka taki Mataiasi (Cakacaka 1:26) Panapasa (Cakacaka 14:4) Jemesa kei Paula (Koronica 15:7-9)

Eya yaco me apositolo vakacava o Paula??

Digitaki koya o Jisu (Kalatia. 1:1)

Gauna cava eya digitaki kina?

Mai na ketei tinana (Kalatia 1:15)

Gauna cava e kacivi kina?

Ena sala ki Tamasiko (Caka 22:6-7)

Eya apositolo nei cei?

Nodara na kai matanitu tani (Gal. 2:9)



Mai na gauna eya a kacivi kina, na nona bula eya ravi vakatabakidua vei Jisu. Eya vakasamataki Jisu, vosa ena vukui Jisu ka veiwasei baleti Jisu vei ira na lewe vuqa. Oya na vuna, ena nona yaco yani e Koronica, eya yavutaki ga nona tukutuku vei Jisu. (1 Koronica 2:2)

NA ILAKOLAKO KI KORONICA



"Ni sa oti na veika ogo, sa biubiu mai Aceni o Paula me lako ki Koronica". (Caka 18:1)

Ena ikarua ni nona lakolako vakaulotu, eya tuberi Paula na Yalo Tabu me gole ki Iurope. (Cakacaka 16:6-10) Ena ilakolako ya, eya qai cemuri mai kina mai Filipai (Cakacaka 16:12, 38-39), mai Cesolonaika (Cakacaka 17:1; 5, 9-10) kei Peria (Cakacaka 17:13-14).

Mai Ecani, ni oti nona vunau ena valenisoro vei ira na Jiu kei na kaimatanitu tani ena makete, eya qai kerei me vunau ena Aropakasi (Cakacaka 17:16-21). Ni oti edua na ivunau totoka – era lewe vica era sa digitaki Jisu.

Ni oti mai Ecani, eya gole vaka ki Koronica o Paula vei Akuila kei Pirisila ka laki caka vale laca vata kei rau. (Cakacaka 18:1-3)

Me vaka ni sa nona ivakarau, e tekivu me vunau vei ira na Jiu ena vale ni lotu kei ira talega na kai matanitu tani (Cakacaka 18:4-8). Ena nona tiko voli mai Koronica ni oti na ka sakasaka eya yaco mai Ecani, sa vakadeitaka o Paula me kua ni vakayagataka na vuku vaka tamata, ia me vunautaki "Jisu ga kei na Nona lauvako ena kauveilatai" (1 Koronica 2:2)



NA KOROLEVU O KORONICA

"Ni sa levu na veimataqali Kalou kei na vei mataqali Turaga" (1 Koronica 8:5)

Eya vakama na koro o Koronica na matanitu o Roma ena 146 BC. Eya qai vakatala kina edua na ikumukumu tamata o Jiuliasi Sisa ena 46 BC. Eya qai vakalesui tala na korolevu oqo ena kena ituvaki taumada ena 44BC. Ena gauna eqai veisiko yani kina o Paula, eya sa yaco tu me dua na koro levu ni veivoli o Koronica.

Na ka e bibi kina na koro o Koronica e vu mai na vanua e toka kina – ena dua na ucuna levu ka tokaveitikivi kei na rua na ikelekele ni waqa: o Leakiemi ena toba o Koronica kei Senikerea ena toba o Saronika.

Ena nona isolisoli eya cakacaka kina vakadau ni vale laca o Paula. Ia na bula vakailavo e Koronica e duidui mai na kena e Ecani.



E sinai ena korolevu oqo na veidauci kei na ivalavala tawasavasava eso. E vuqa sara na vunau nei Paula e veidusimaki tiko kina ena kena sagai me vakasavasavataki na Soqosoqo Lotu mai na valavala ca oqo.



O IRA NA KAI KORINICA

"Ena dua na bogi a vosa kina na Turaga vei Paula ena raivotu, "Mo kakua ni rere, ia mo vosa tikoga, me kua ni dua na gauna mo cegu kina." (Caka 18:9)


Era sega ni ciqomi Paula o ira na Jiu mai Koronica ka vakavuna na nona biuta na valenilotu o Paula ka lai veituberi vei ira n kai matanitu tani ena dua na vale vei tikivi toka ga kei na valenilotu. (Cakacaka 18:4-7).

"Na vakaloloma ni bula e raica vei ira na kai matanitu tani kei na veiqati ,ao vei ira na Jiu e vakamavoataka vakalevu na lomana. E vakatitiqataka na lomana na vakasama ni kena rawa ni tarai cake na soqosoqo lotu mai na vei ka e kunei e keya.

(EGW The Acts of the Apostle p. 250).

Ena gauna vata oya e talevi koya mai kina o Jisu ena raivotu ena dua na bogi ka vakayaloqaqataki koya ena veiqaravi vei ira mai Koronica ka vakadeitaki koya tiko ni na vuqa era na ciqoma na dina e Koronica. ((Caka 18:9-10).

Na veivakadeitaki ni tukutuku oqo e vakavuna me tiko tale kina e Koronica o Paula me dua veimama na yabaki. (Caka 18:11). Era a qai veilewaitaki Paula o ira na Jiu (Caka 18:12-13) Ena gauna e qai biuti Koronica kina, esa tauyavu rawa e Koronica edua na Soqosoqo Lotu Levu. (Caka 18:18).



NA IVOLA VEI IRA MAI KORONICA

"Na nomudou bula na veiwekani, era mai tukuna vei au o ira na lewe ni vuvale nei Kilo, ni sa tiko vei kemudou e dua na duidui ka dou veivala tiko kina. (1 Koronica 1:11)

1 Koronica 1-6



E vakaraitaka vei Paula o Kilo na vei leqa eso e tiko ena Soqosoqo Lotu, ka sa vunauci ira o Paula mai na vei kumukumu eso, na leqa ni veidauci, vei qati kei na nodra volitaka na yagodra na marama.

1 Koronica 7-16

Eratou vakaraitaka talega na vuvale nei Kilo na vei taro eso era taroga tiko na leweni lotu ka sauma vakadodonu vei ira o Paula ena vuku ni: vakawati, veibiu, bula dawai, kakana e cabo kina matakau, ivakarau ni sokalou, solisoli ni Yalo Tabu kei na tucake tale mai na mate.

2 Koronica

Oqo na ikarua ni ivola e maroroi, e dina ga ni a vola tale e vica o Paula (ka ikuri ni rua koya e maroroi tiko en gauna oqo). E vakacaucautaki ira na kai Koronica ena vuku ni nodra sa walia e vica na leqa, ia e uqeti ira me ra rai vakamatau ki na vuravura ena rarama ni kosipeli, ka veivakauqeti ena nodra qarauna tiko na ivakarau ni bula vakavanua e vakavolivoliti ira



““Me ra kakua ni dau yalolailai o ira na daukaulotu ni Kalou ena vei koro lelevu ena vuku ni ca, kei na tawayalododonu, ka ra kacivi me ra sotava ni ra saga tiko me ra kacivaka na itukutuku vinaka ni veivakabulai. Ena vakayaloqaqatataki ira yadua na daucakacaka vakaoqo na Turaga ena itukutuku vata ga ka a solia vua na apositolo ko Paula mai Korinica: “Kaka ni rere, ia mo vosa ga, ka kakua ni galu: Ni’u sa tiko vata kei iko, ka na sega tale ga na tamata ena vakacacani iko: ni ra sa lewe vuqa na noqu tamata ena koro oqo.” Cakacaka 18:9,10... [...] Ena koro levu yadua, e dina ga ni robota na korolelevu na itovo kaukauwa kei na basulawa, e lewe vuqa sara ka rawa me ra vulica me ra tisaipeli i Jisu ena veivakarautaki e veiganiti. E udolu vakacaca na tamata e rawa ni ra uqeti ena dina ni veivakabulai ka tuberi me ra ciqomi Karisito me Nodra iVakabula yadudua.”

EGW (Prophets and Kings, p. 277)